

مقدمة - ترجمة ابن رجب رحمه الله تعالى - مختصر جامع العلوم

والحكم - شريف علي

شريف علي

طيب بسم الله والحمد لله والصلاة والسلام على رسول الله وعلى اله وصحبه ومن تبع هداه وبعد ان شاء الله نبدأ مجالس آآ جديدة في شرح الاربعين النووية هنقرأ باذن الله المختصر جامع العلوم والحكم - [00:00:00](#)

الامام ابن رجب هو الامام ابن رجب شرح الاربعين ناوية وزود عليها تتممة الخمسين والكتاب الاصيلي اللي هو جامع جامع العلوم والحكم كتاب آآ يعني غاية في الجمال من اجمل شروح الاربعين النووية - [00:00:20](#)

لكن هو فيه يعني فيه شوية صعوبة شوية في بعض المباحث آآ احد طلاب العلم الشيخ محمد المهني اختصر الكتاب اختصار جميل اللي هو اللي ايه اللي احنا هنقرأه دلوقتي يعني اللي هو مختصر - [00:00:39](#)

اه جامع العلوم والحكم نشوف حتى تسمية الامام ابن رجب للكتاب جامع العلوم والحكم اللي هو جمع فيه خمسين حديث الاربعين نووية وهو اتم الخمسين حديث زود احاديث يعني وشرح الاحاديث دي - [00:00:58](#)

فهو كتاب آآ في غاية الجمال ونافع جدا ومهم جدا الانسان يكون حافظ الاحاديث دي وفاهم معانيها ويعلمها لاهله ولاصحابه وهكذا يعني فاحنا هنبدأ ان شاء الله يعني اه نقرأ ترجمة الامام ابن رجب - [00:01:17](#)

وان شاء الله في مرة باذن الله برضه نقرأ ترجمة مختصرة للامام النووي رحمه الله طيب الترجمة دي يعني هو يعني بيحكي مسلا ايه قصة حياته يعني باختصار يعني طيب قال هو الامام الحافظ الفقيه المتفنف - [00:01:37](#)

عبدالرحمن بن احمد بن رجب البغدادي ثم الدمشقي الحنبلي كان اماما من ائمة العلم والحفظ والزهد والوعظ وحسن التصنيف ولد رحمه الله في بغداد سنة سبعمائة وست وثلاثين وقدم الى دمشق مع والده وهو صغير - [00:01:57](#)

وتتلمذ على الامام ابن القيم وطبقته يعني دي اول فائدة ان ابن رجب رحمه الله من تلاميذ الامام ابن القيم رحمه الله وطبقة ابن القيم بقى وقدم الى آآ دمشق - [00:02:20](#)

مع والده وهو صغير وتتلمذ على الامام ابن القيم وطبقته وكان سلفي الاعتقاد اثري المشرب حنبلي المذهب فقيها مفسرا نحويا مؤرخا اية في معرفة علل الحديث واسانيده ورجاله يعني هو عالم آآ في الفقه وفي الحديث - [00:02:36](#)

كمان في المواعظ والكلام له كلام في غاية الجمال قال صنفا كتب كثيرة هي المرجع في بابها من اجلها فتح الباري شرح صحيح البخاري وخلي بالكم لان في اتنين فتح الباري - [00:03:02](#)

في فتح الباري لابن حجر وفيه فتح الباري لابن رجب ابن رجب اللي هو اللي معنا دلوقتي ده ولكن الكتاب لم يكتمل قال وهو سابق لفتح الباري للحافظ ابن حجر رحمه الله - [00:03:20](#)

وصل فيه الى كتاب الجنائز وبين ايدينا منه وبين ايدينا منه الان عشرة مجلدات وهو غاية في الاحكام والجودة يعني ده موجود فتح الباري لابن رجب موجود لكن الشرح غير مكتمل - [00:03:38](#)

وشرح في غاية الجمال ومنها شرح سنن الترمذي في عشرين مجلدا كما ذكر الحافظ ابن حجر رحمه الله ولم تبلفن منه سوى مجلدين هما شرح علل الترمذي يقال ان شرح سنن الترمذي - [00:04:00](#)

ده ضاع يعني يعني العلماء لما قرأوا الكلام اللي تبقى من كلام ابن رجب في شرح السنن هو تبقى منه يعني اوراق يسيرة بخلاف شرح

العلل كتاب العلل الامام الترمذي هو ابن رجب شرحه - [00:04:17](#)

فلما قرأوا لما قرأوا الورقات دي ولما قرأوا شرح العلل الكتاب ده ضاع يعني لما التتار دخلوا بغداد اه يقال ان ايه؟ طبعا في كتب كثير ضاعت يعني منها اه الشرح السنن شرح سنن الترمذي للامام ابن رجب - [00:04:35](#)

كان عشرين مجلد فلما قرأوا الكلمات اليسيرة او الورقات اليسيرة اللي كان فيها اللي تبقت يعني من الشرح اللي ما ضاعتش آ قالوا ان احنا فاتنا علم كثير جدا بضياح الكتاب ده - [00:04:52](#)

طيب ومنها يعني من من كتب الامام ابن رجب تقرير القواعد وتحرير الفوائد وهو المعروف بقواعد ابن رجب في اربعة مجلدات كتاب مشهور وهو اعجوبة من اعاجيب كتب الفقه ومنها لطائف المعارف - [00:05:11](#)

وهو المرجع الاول في باب المواسم ووظائف الاوقات لو تفتكروا كنا عملنا مجلس فيه آ فضائل شهر رمضان والعشر الاوائل من ذي الحجة من كتاب لطائف المعارف برضو مختصر لطائف المعارف ده رجب برضه - [00:05:29](#)

ومنها جامع العلوم والحكم وهو شرح للاربعين النووية في مجلدين وهو من اجل كتب الاسلام واشهرها احنا يا جماعة يعني بنقرأ كتاب في غاية الجمال كتاب مهم جدا توفي رحمه الله بدمشق - [00:05:48](#)

اه اه عام سبعمائة وخمس وتسعين بعد الهجرة يعني وهو ابن تسع وخمسين سنة يعني مات وهو عنده تسعة وخمسين سنة رحمه الله قال العلامة ابن ناصر ابن ناصر الدين الدمشقي رحمه الله - [00:06:09](#)

ولقد حدثني من حفر لحد ابن رجب اللحن اللي هو يعني الحفرة اللي بتكون في القبر يعني ولقد حدثني من حفر لحد ابن رجب رحمه الله ان الشيخ يعني ابن رجب - [00:06:26](#)

جاءه قبل ان يموت بايام فقال له احفر لي ها هنا لحد يعني الراجل اللي هو ايه اللي بيحفر القبر ابن رجب ذهب اليه قبل ان يموت بايام وشاور له على مكان كده قال له احفر لي لحد - [00:06:44](#)

احفر لي ها هنا لحد و اشار الى البقعة التي دفن فيها قال فحفرت له فلما فرغت نزل في القبر واضطجع فيه فاعجبه لما لما الحفار حفر له القبر نزل فيه ابن رجب رحمه الله - [00:07:04](#)

ونام في القبر فقال هذا جيد ثم خرج قال فوالله ما شعرت بعد ايام الا وقد اوتي به ميتا محمولا في نعشه فوضعت في ذلك اللحد طبعا دي ترجمة مختصرة - [00:07:27](#)

يعني ده ده ترجمة مختصرة واللي عايز بقى يستزيد يقرأ فيه ترجمة آ ترجمة ابن رجب شوف بقى ايه العبادة والزهد والورع والعلم يقرأ بقى ايه ويشوف الكلام الجميل طيب اه دي كانت مقدمة - [00:07:45](#)